



ԱՐՏԱՍԱՀՄԱՆՑԱՆ ԹԵՄԵՐԻ ԱՌԱՋՆՈՐԴՆԵՐԻՆ

ՇՐՋԱՔԵՐԱԿԱՆ

Հայոց թեմի Գերապատիվ Առաջնորդին.

Գերաշնորհ Տ. հոգեծին օրդվո Մերում,

հարազատի Մայր Աթոռոյս Ս. Էջմիածնի օղջոյն Հայրապետական.

Խորհրդային Հայաստանի Կառավարութիւնը, Կեդրոնական Խորհրդային Իշխանութիւնի համաձայնությամբ, հայրենասիրական բնույթ կրող, խոշոր և մեծարժեք գործի է ձեռնարկել. նա բացել է ի սփյուռս ցրված Հայության առաջ իր երկրի դռները:

Ներգաղթը հայրենասիրական բնույթ է կրում, որովհետև օտարության մեջ, ձուլման փաղափակներով հետևանքով, հետզհետե հյուծվող և անէացող Հայ ժողովուրդը ոչ միայն ազատվում է այդ վտանգից, այլ՝ Հայրենիք գալով, ավելացնում է ժողովրդի թիվը, նպաստելով նորա ֆիզիկական զորացման:

Ներգաղթը խոշոր և մեծարժեք գործ է, որովհետև Հայ ժողովուրդը գալիս է բոլոր ասպարեզներում վերելքի նամբան բռնած կուլտուրայես խոշոր ֆայլերով հառաջադիմող և ազգային մշակույթը զարգացնող մի երկիր՝ իր Հայրենիքը, ուր ոչ միայն պիտի նաշակե արդեն պատրաստի Հայ կուլտուրան, այլև իր մասնակցությամբ պիտի նպաստե Հայ մշակույթի զարգացման, երկրի ու ժողովրդի ֆիզիկական զորացման և նորա կյանքի ու գոյության ապահովության:

Խորհրդային Հայաստանի Կառավարութիւնը ոչ միայն օտարության մեջ ցաֆ ու ցրիվ բնկած Հայ ժողովրդին բույլատրում է վերագառնալ իր Հայրենիքը, այլ և իր երկրում՝ Խորհրդային Հայաստանում կազմակերպում է ներգաղթը, որպեսզի Հայրենիք

եկողները դժվարությունների չհանդիպեն, այլ՝ իրենց աշխատանքի շնորհիվ, հանգիստ ապրել կարողանան: Նա հազարավոր բնակարաններ է կառուցել ու կառուցում է այլ և այլ օդասուն վայրերում՝ հողագործ ու պարտիզան ժողովրդի համար ապրելու և աշխատելու նկարագրություն ստեղծելով. իսկ արհեստավոր ժողովրդին և ինտելիգենցիային աշխատում է տեղավորել ֆաղափներում որպեսզի համապատասխան աշխատանքներով ապահով լինեն:

Ժողովրդի ներգաղթի գործը խոշոր գործ է և պահանջում է ամենատեսակ ուժերի լարում: Շնորհիւ է, Խորհրդային Հայաստանի Կառավարութիւնը իր ուժերից վեր ջանքեր է քսիփում ներգաղթի հարցը իդեալականորեն լուծելու համար, սակայն այդ՝ Հայ ժողովրդին իրեն, բոլոր դասակարգերով առած, չի ազատում իր բարոյական պարտքը կատարելու պարտականությունից, հատկապես նյութական խոշոր աշակցություն ցույց տալուց. որի կազմակերպությունը Մենք հանձնարարում ենք Հայ Հոգեւորականության:

Իմ սիրելի Հայ ժողովուրդ, Քեզ եմ դիմում, առանց դասակարգերի խտրության, դո՛ւ, որ քո պատմության ամբողջ ընթացքում սիրելիս քո Հայրենիքը. նվիրվել ես նորա զարգացման և արյուն թափել նորա անկախության համար, դո՛ւ, որ սիրելիս քո Ազգը. նորա պատմի և ազատության համար մարտիրոսացել, կասկածից դուրս է, որ այսօր, երբ Ազգը ու Հայրենիքը կարոտում են քո

աշակցության, դու չես գլանա քո բարոյական և նյութական աշակցությունը տրամադրել նորան, համոզված լինելով, որ այդ աշակցությունը պիտի նպաստե Ազգիդ և Հայրենիքիդ զորացման ու գարգացման:

Դերաշնորհ Տ. . . Սրբազան, Քե՛զ եմ ղիմում, և Քո միջոցով թեմիդ ամբողջ Հոգևորականության, որ ամեն ջանք գործ դրվի նյութական աշակցության գործը կատարելու յայտնով կազմակերպելու, որպեսզի, ներգաղթի գաղափարական և սուրբ գործը, անդամ փոփոխի չափով, շտուժե և հանցանքի ապագայում ձեռ խղճի վերա չծանրանա:

Մենք խորապես համազգլած ենք, որ այս խոշոր գործի հաջողությանը ամեն Հայ մարդ պարտք կհամարե նպաստել և՛ իր յսելով և՛ իր դրամով, առանց թերահալու իր բարոյական պարտքի հանդեպ և իր խղճի ծայնի առաջ:

Մեր առաջարկն է՝ շաապ կարգով, տեղական պայմաններին համապատասխան, կազմակերպել նյութական աշակցության հարցը և գործի անցնել: և Ձեր ձեռնարկների ու նոցա ելքի մասին պարբերաբար իրազեկ անել Մեզ ի գիտություն, ի միամտություն և հաջակցություն: Մեր կողմից կառաջարկենք ի գործադրություն հետևյալ միջոցները.—

1. Տեղիդ ֆաղափական իշխանության գիտությամբ Թեմիդ Նրեսփոխանական ժողովն ու Կեդրոնական Վարչությունը Ձեր նախագահությամբ կարգում ենք ԽՆԱՄԱԿԱԼՈՒԹՅՈՒՆ, որ ժամանակավորապես ի պան ընդունե գաղթող ընտանիքների անվանաժամացած անդամ կալվածները, որպեսզի այդ հանգամանքը արգելի չհանդիսանա ներգաղթի հապաղման, և ի հաշիվ խնամակալությանը հանձնված վանառելիք կալվածքի

հնարավոր չափով ավանսավորել: Նոցա, ապագայում վանառված կալվածքի դրամից գանձելու պայմանով:

2. Ավանս տալու համար՝ ժամանակավորապես թեմիդ բոլոր եկեղեցիների դրամը փոխարինաբար գանձել: Վանառվելիք կալվածների հաշվին գանձելու և վերադարձնելու պայմանով:

3. Տեղիդ հարուստներից կազմակերպել Հանձնաժողով, իրենց ներքին համաձայնությամբ պատկառելի դրամագլուխ գոյացնելու համար, ուրի նպատակը կլինի ավանսավորել գաղթողներին, ապագայում նոցա կալվածների վանառումից գոյացած դրամից ետ ստանալու պայմանով:

4. Լայն հանգանակություն կազմակերպել, որից գոյացած դրամը անվերադարձ նպաստ տալ կարիքավորներին:

Ավարտելով խոսքս՝ մաղթում եմ Փրկչին, նեղյալների, վշտալքյալների և հալածյալների միակ նշմարիտ բարեկամին, ի սեր այս սուրբ գործի հաջողության, ույժ և եռանդ պարգևե Ձե՛զ և Ձեր աշակիցներին՝ հաջողությամբ պսակելու այս մեծ և ազնիվ գործը:

Մաղթում եմ Բարձրալին, որ մեր բոլորիս զուրբ շարժե, մեր հոգու ազնիվ զգացմունքները հուզե՝ արձագանք տալու այս սուրբ գործին:

Մաղթում եմ Տիրոջը, որ իր հովանին տա՝ րածե գաղթող ժողովրդի վերա և ներգաղթող հաջողությամբ պսակե:

Մաղթում եմ Բարձրալին, որ գաղթականություն հանող պետությունների տրամադրությունը ի բարին ուղղե, որպեսզի Հայ պատմական ժողովրդի դարավոր տառապանքները գոնե մասամբ բուժվին:

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

ԳԵ. . . 28

1 Հունիսի 1946 ամի

Ս. ԷՋՄԻԱՍԻՆ